



Broj: 01-02-12719-1/25
Zenica, 30.06.2025. godine

PARLAMENT FEDERACIJE BOSNE I HERCEGOVINE
DOM NARODA

n/r predsjedavajućeg
ul. Hamdije Kreševljakovića broj 3
71000 SARAJEVO

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 02-07-2025			
Org. jed.	Broj	Priloga	Vrijednost
02	- 02 -	3000	23

– FEDERALNO MINISTARSTVO RADA I SOCIJALNE POLITIKE

n/r ministra
ul. Hamdije Čemerlića br. 2
71000 SARAJEVO

PREDMET: Zaključak sa 41. sjednice Skupštine Zeničko-dobojskog kantona s prilogima, dostavlja se
VEZA: e-mail Parlamenta Federacije BiH – Pisarnica OTP od 30.04.2025. godine

Postupajući po aktu Doma naroda Parlamenta Federacije Bosne i Hercegovine, broj: 02-02-3000/23 od 22.4.2025. godine, koji je Skupštini Zeničko-dobojskog kantona dostavljen 30.04.2025. godine putem e-maila (sa priloženim Nacrtom Zakona o djelatnosti psihologa u Federaciji Bosne i Hercegovine i Obrazloženjem Nacrta Zakona), kojim je traženo dostavljanje **mišljenja kantonalnih skupština na Nacrt Zakona o djelatnosti psihologa u Federaciji Bosne i Hercegovine** u prilogu Vam dostavljamo **Zaključak Skupštine Zeničko-dobojskog kantona, broj: 01-02-12719/25 od 30.06.2025. godine**, donesen na 41. sjednici Skupštine Zeničko-dobojskog kantona održanoj **30.06.2025. godine**, kojim je utvrđeno mišljenje Skupštine Zeničko-dobojskog kantona povodom dostavljenog Nacrta Zakona.

U prilogu navedenog Zaključka Skupštine, kao njegov sastavni dio nalaze se Zaključak Vlade Zeničko-dobojskog kantona broj: 02-02-11404/25 od 05.06.2025. godine, kao i Mišljenje Ministarstva za rad, socijalnu politiku i izbjeglice Zeničko-dobojskog kantona broj: 09-1-02-8961-2-1/25 od 27.05.2025. godine, na dostavljeni Nacrt Zakona, koje je Vlada Zeničko-dobojskog kantona prihvatila svojim zaključkom broj i datum gornji, kao i mišljenje skupštinske Komisije za rad, socijalnu politiku, izbjeglice i zdravstvo sadržano u njenom Izvještaju broj: 01-30-12185-1/25 od 25.06.2025. godine i isti se smatraju mišljenjem Skupštine Zeničko-dobojskog kantona datim na Nacrt ovog Zakona.

Navedeni Zaključak Skupštine, sa pomenutim prilogima, dostavljamo Vam kako bi u toku provođenja dalje propisane procedure za donošenje navedenog zakona u Federaciji BiH, imali u vidu dato mišljenje Skupštine Zeničko-dobojskog kantona povodom dostavljenog Nacrta Zakona.

S poštovanjem,

PRILOZI: Kao u dopisu



DOSTAVLJENO:

- 2 x Naslovu
- 1 x Vladi Ze-do kantona, *n/r sekretara*
- 1 x Ministarstvu za rad, socijalnu politiku i izbjeglice Ze-do kantona, *n/r ministra*
- 2 x U Registrator **41. sjednice Skupštine/05-03**

Na osnovu člana 99. stav 1., a u vezi sa članom 102. i članom 106c. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona”, broj: 5/24 i 8/25), Skupština Zeničko-dobojskog kantona, na 41. sjednici održanoj 30.06.2025. godine, donosi:

ZAKLJUČAK

I.

Skupština Zeničko-dobojskog kantona ovim Zaključkom utvrđuje svoje mišljenje povodom dostavljenog Nacrta Zakona o djelatnosti psihologa u Federaciji Bosne i Hercegovine.

II.

Mišljenje Ministarstva za rad, socijalnu politiku i izbjeglice Zeničko-dobojskog kantona o navedenom Nacrtu Zakona, broj: 09-1-02-8961-2-1/25 od 27.05.2025. godine koje je Vlada Zeničko-dobojskog kantona prihvatila svojim Zaključkom broj: 02-02-11404/25 od 05.06.2025. godine i koji je uputila u dalju skupštinsku proceduru, čini sastavni dio i ovog Zaključka, kao i mišljenje skupštinske Komisije za rad, socijalnu politiku, izbjeglice i zdravstvo sadržano u njenom Izvještaju broj: 01-30-12185-1/25 od 25.06.2025. godine i isti se smatraju Mišljenjem Skupštine Zeničko-dobojskog kantona datim na Nacrt Zakona o djelatnosti psihologa u Federaciji Bosne i Hercegovine.

III.

Ovaj Zaključak stupa na snagu danom donošenja i bit će dostavljen Domu naroda Parlamenta Federacije Bosne i Hercegovine i Federalnom ministarstvu rada i socijalne politike, zajedno sa Mišljenjem Ministarstva za rad, socijalnu politiku i izbjeglice Zeničko-dobojskog kantona o navedenom Nacrtu Zakona, broj: 09-1-02-8961-2-1/25 od 27.05.2025. godine koje je Vlada Zeničko-dobojskog kantona prihvatila svojim Zaključkom broj: 02-02-11404/25 od 05.06.2025. godine, te mišljenjem skupštinske Komisije za rad, socijalnu politiku, izbjeglice i zdravstvo sadržano u njenom Izvještaju broj: 01-30-12185-1/25 od 25.06.2025. godine, radi nastavka daljih aktivnosti u vezi sa Nacrtom ovog Zakona.

Broj: 01-02-12719/25
Datum, 30.06.2025. godine
Zenica

PREDSJEDAVAJUĆI



T-6

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 84. sjednici, održanoj dana 05.06.2025. godine, d o n o s i

ZAKLJUČAK

SKUPŠTINA ZENIČKO-DOBOJSKOG KANTONA			
Primljeno	11-06-2025		
Org.jed.	Broj	Prilog	Vrijednost
	01-02	11404	125

I.

Prihvata se Mišljenje Ministarstva za rad, socijalnu politiku i izbjeglice o Nacrtu zakona o djelatnosti psihologa u Federaciji Bosne i Hercegovine, broj: 09-1-02-8961-2-1/25 od 27.05.2025. godine, koji je kantonalnim skupštinama dostavljen na mišljenje od strane Doma naroda Parlamenta Federacije Bosne i Hercegovine.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-11404 /25
Datum, 05.06.2025. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.



PREMIJER

Nesir Pivić



ZENIČKO-DOBOJSKI KANTON
VLADA

n/r Premijera
N/r Sekretara

Broj: 09-1-02-8961-2-1/25
Zenica, 27.05.2025. godine

PREDMET: Mišljenje o Nacrtu Zakona o djelatnosti psihologa u Federaciji Bosne i Hercegovine - dostavlja se;

Postupajući u skladu s aktom Stručne službe Skupštine broj: 01-02-8961-1/25 od 30.04.2025. i Stručne službe Vlade broj: 02-1-02-8961-2/25 od 06.05.2025. godine, u vezi dostavljanja mišljenja o Nacrtu Zakona o djelatnosti psihologa u Federaciji Bosne i Hercegovine, Ministarstvo za rad, socijalnu politiku i izbjeglice Zeničko-dobojskog kantona razmotrilo je predloženi tekst Nacrta Zakona, i u tom kontekstu daje sljedeće:

MIŠLJENJE

Nacrt zakona o djelatnosti psihologa u Federaciji Bosne i Hercegovine predstavlja temeljni korak u uspostavljanju zakonskog okvira koji će urediti i regulisati obavljanje psihološke djelatnosti na području Federacije BiH. Ovaj zakon ima za cilj osigurati kvalitetu i sigurnost psiholoških usluga, zaštitu korisnika, te unaprijediti mentalno zdravlje i kvalitetu života građana.

S obzirom na značaj koji psihološka djelatnost ima u društvu, posebno u kontekstu socijalne zaštite, obrazovanja i zdravstva, donošenje ovog zakona je od presudne važnosti. Regulisanjem prava na samostalno obavljanje poslova u struci, stručnog usavršavanja, izdavanja licenci, organiziranja komore psihologa i nadzora nad obavljanjem djelatnosti, stvara se pravni okvir koji će omogućiti profesionalno i etičko obavljanje psihološke prakse.

Međutim, smatramo da određeni broj pitanja kroz predloženi nacrt nije na najbolji način uređen, kako u formalno-pravnom tako i u suštinskom smislu, te u tom kontekstu sugerišemo kako slijedi:

Član 4. stav (1) tačka e) Nacrta Zakona - Obuhvat djelatnosti psihologa

„(e) Edukacijske aktivnosti koje uključuju obrazovanje pojedinaca i grupa u ovladavanju opštim i specifičnim znanjima i vještinama iz oblasti psihologije s ciljem sticanja naobrazbe, poboljšanja lične efikasnosti i efikasnosti u radu s ljudima – **mijenja se**;

Obrazloženje: Trenutna definicija edukacijskih aktivnosti u Nacrtu zakona preširoko obuhvata sve oblike obrazovanja, uključujući osnovno i srednje obrazovanje, što nije specifično za psihološku struku; upotreba termina „naobrazba“ može biti neprecizna, jer se često koristi u kontekstu osnovnog obrazovanja, dok se u psihološkoj struci više koristi pojam „stručno usavršavanje“ ili

„specijalizacija“; te ciljevi poput „poboljšanja lične efikasnosti“ i „efikasnosti u radu s ljudima“ mogu biti previše opći i neodređeni, što otežava mjerenje uspješnosti edukacijskih aktivnosti.

Slijedom navedenog smatramo da član 4. stav (1) tačka e) Nacrta Zakona treba da glasi:

„(e) Edukacijske aktivnosti koje uključuju stručno usavršavanje pojedinaca i grupa u ovladavanju općim i specifičnim psihološkim znanjima i vještinama, s ciljem unapređenja profesionalnih kompetencija i efikasnosti u primjeni psiholoških metoda i tehnika.“

Član 8. Nacrta Zakona – Područja obavljanja djelatnosti psihologa

„Djelatnost psihologa generalno se obavlja u svim društvenim područjima i oblastima koje se bave unapređenjem i tretmanom zdravlja i kvalitete života pojedinaca i grupa u zdravstvenim i socijalnim ustanovama, odgojem i obrazovanjem, pitanjima pravne i sigurnosne zaštite, razvojem i unapređenjem radnih procesa u organizacijama i institucijama, kao i razvojem društva u cjelini – **mijenja se;**

Obrazloženje: Definicija područja obavljanja djelatnosti psihologa u Nacrtu zakona preširoko obuhvata sve društvene sfere, uključujući zdravstvo, socijalnu zaštitu, obrazovanje, pravnu i sigurnosnu zaštitu, organizacije i institucije, što može dovesti do nepreciznosti u određivanju specifičnih uloga i odgovornosti psihologa u tim oblastima.

Slijedom navedenog član 8. Nacrta Zakona bi trebao glasiti:

„Djelatnost psihologa obuhvata stručno obavljanje psiholoških usluga u oblastima zdravstva, obrazovanja, socijalne zaštite, pravne i sigurnosne zaštite, organizacija i institucija, s ciljem unapređenja mentalnog zdravlja, kvalitete života i efikasnosti u radu s pojedincima i grupama.“

Član 9. Nacrta Zakona – Sticanje prava na samostalno obavljanje poslova u struci

„Pravo na samostalno obavljanje poslova u struci stiče se priznavanjem prava na samostalno obavljanje poslova u struci na način i pod uslovima uvrđenim ovim zakonom, kao i propisima donesenim na osnovu ovog zakona“ – **mijenja se;**

Obrazloženje: Definicija prava na samostalno obavljanje poslova u struci u nacrtu zakona nije dovoljno precizna jer ne uključuje ključne elemente kao što su obavezni pripravnički staž, stručni ispit, izdavanje licence i članstvo u komori psihologa, koji su nužni za sticanje prava na samostalan rad u struci.

Slijedom navedenog član 9. Nacrta Zakona trebao bi glasiti:

„Pravo na samostalno obavljanje poslova u struci psihologa stiče se nakon uspješno obavljenog pripravničkog staža, polaganja stručnog ispita, izdavanja licence od strane komore psihologa i upisa u registar komore, u skladu s odredbama ovog zakona i propisima donesenim na osnovu njega“.

Član 10. stav (1) tačka e) Nacrta Zakona – Opći uslovi za samostalno obavljanje poslova u struci

„e) odobrenje za samostalno obavljanje poslova u struci izdato od strane komore psihologa“ – **briše se;**

Obrazloženje: Član 10. Nacrta Zakona propisuje opće uslove za samostalno obavljanje poslova u struci, pri čemu u tački e) kao uslov propisuje i odobrenje Komore za samostalno obavljanje poslova u struci. Međutim, odobrenje Komore (licenca) može biti smatrano suvišnim kao zaseban uslov, budući da je članstvo u Komori već obavezno za obavljanje poslova u struci. S obzirom na to da Komora izdaje licencu svojim članovima koji ispunjavaju sve uslove, dodatno uvođenje odobrenja može dovesti do nepotrebnog administrativnog opterećenja.

Član 12. Nacrta Zakona – Pravo na samostalno obavljanje poslova u struci

„(1) Pravo na samostalno obavljanje poslova u struci priznaje se isključivo psiholozima koje je komora psihologa upisala u registar licenciranih psihologa pod uslovima utvrđenim ovim zakonom.

(2) Sadržaj i način vođenja registra iz stava (1) ovog člana propisuje federalni ministar rada i socijalne politike (U daljem tekstu: federalni ministar)“ – **briše se;**

Obrazloženje: Član 12. Nacrta Zakona sadrži odredbe koje su već obuhvaćene prethodnim članovima, čime dolazi do suvišnog ponavljanja istih informacija. Takvo ponavljanje može uzrokovati nejasnoće u tumačenju i primjeni zakona, smanjujući njegovu jasnoću i efikasnost. Iz tog razloga predlažemo njegovo brisanje kako bi se izbjeglo suvišno ponavljanje već utvrđenih uslova za sticanje prava na samostalno obavljanje poslova u struci. Također, stav (2) koji propisuje način vođenja registra licenciranih psihologa ne uklapa se u naziv ovog člana, već bi trebao biti smješten u odgovarajući kontekst zakona koji se odnosi na organizaciju i vođenje registra.

Član 13. stav (1) tačka e) Nacrta Zakona – Prestanak prava na samostalno obavljanje poslova u struci

„e) neispunjavanjem obaveze stručnog usavršavanja“ – **briše se;**

Obrazloženje: Član koji propisuje prestanak prava licenciranog psihologa na samostalno obavljanje djelatnosti zbog neispunjavanja obaveze stručnog usavršavanja može biti nejasan jer ne definiše ko je odgovoran za praćenje i utvrđivanje neispunjavanja tih obaveza. Bez jasno propisanog postupka za praćenje stručnog usavršavanja, nadležnih tijela za utvrđivanje neispunjavanja obaveza i postupka prestanka prava, može doći do pravnih nejasnoća i nesigurnosti.

Član 14. Nacrta Zakona

„(1) Licencirani psiholog ne smije samostalno obavljati poslove u struci u slučaju...“ – **mijenja se;**

Obrazloženje: S obzirom da član 13. već definiše situacije u kojima licenciranom psihologu prestaje pravo na samostalno obavljanje djelatnosti, kao i da član 14. također propisuje zapreke za samostalno obavljanje djelatnosti, može se postaviti pitanje da li je potrebno duplicirati ove odredbe u oba člana. S obzirom na to da oba člana regulišu uslove pod kojima prestaje pravo na samostalno obavljanje

djelatnosti, predlažemo objedinjavanje ovih odredbi u jedan član kako bi se izbjegla redundantnost i unaprijedila jasnoća zakonskog teksta.

Osim toga, u stavu (1) potrebno je riječ "ne smije" zamijeniti riječju „ne može“ iz razloga što „smjeti /ne smjeti“ spada u domen mogućnosti.

Formulacija „u ostalim slučajevima“ je također nedorečena i preširoko postavljena, pa je nejasno na koje slučajeve se misli.

Član 15. Nacrta Zakona – Nedostojnost za obavljanje poslova u struci

„(1) Psiholog koji je pravosnažnom sudskom presudom...“ – **mijenja se;**

Obrazloženje: Član 10. nacrta Zakona propisuje uslove za sticanje prava na samostalno obavljanje poslova u struci. S druge strane, član 14. navodi zapreke za samostalno obavljanje poslova u struci, dok član 15. definiše nedostojnost za obavljanje poslova u struci. Ove odredbe mogu biti u kontradikciji jer član 14. ne uzima u obzir specifične okolnosti slučaja, dok član 15. omogućava Komori psihologa da procijeni dostojnost psihologa na temelju težine počinjenog djela i drugih relevantnih faktora.

Preporučuje se objedinjavanje uslova za sticanje prava na samostalno obavljanje poslova u struci, zapreka i nedostojnosti u jedan član kako bi se izbjegla redundantnost i unaprijedila jasnoća zakonskog teksta. Ovaj objedinjeni član trebao bi jasno definirati uslove pod kojima psiholog može obavljati poslove u struci, uključujući: državljanstvo BiH, poslovnu i zdravstvenu sposobnost, završeni studij psihologije, položen stručni ispit, članstvo u Komori psihologa i neosuđivanost za određena krivična djela.

Ovakav pristup omogućit će jasniju i precizniju regulaciju uslova za obavljanje poslova u struci, čime se doprinosi većoj pravnoj sigurnosti i usklađenosti s postojećim zakonodavstvom. Pravosnažna sudska presuda za krivična djela navedena u stavu (1) ovog člana predviđena kao zapreka za samostalno obavljanje djelatnosti ne bi trebala predstavljati diskreciono pravo komore da procjenjuje koja će se pravosnažna presuda suda smatrati osnovnom za proglašavanje određenog psihologa nedostojnim za obavljanje poslova u struci.

Član 20. Nacrta Zakona – Uslovi za obavljanje pripravničkog staža

„(1) Pripravnički staž obavlja se u javnim ustanovama i privatnoj praksi koje ispunjavaju uslove prostora, opreme i kadra i to...“ – **mijenja se;**

Obrazloženje: Ovaj član propisuje uslove za obavljanje pripravničkog staža, koji se odnose na ustanove koje prihvataju pripravnike, a ne na same pripravnike. Međutim, čini se da je došlo do terminološke nepreciznosti, jer se uslovi za ustanove miješaju s uslovima za pripravnike.

Slijedom navedenog preporučuje se da član 20. bude podijeljen u dva odvojena člana:

„Član 20. – Uslovi za obavljanje pripravničkog staža:

Ovaj član treba jasno definisati uslove koje pripravnici moraju ispuniti kako bi obavljali pripravnički staž, uključujući:

- Završeni studij psihologije;
- Državljanstvo Bosne i Hercegovine;
- Zdravstvenu sposobnost.

Član 21. – Uslovi za ustanove koje prihvataju pripravnike:

Ovaj član treba definirati uslove koje ustanove moraju ispuniti kako bi mogle primiti pripravnike, uključujući:

- Posjedovanje odgovarajućih prostornih i tehničkih uslova;
- Organizacijske jedinice prema zahtjevima pripravničkog programa;
- Prisustvo licenciranog psihologa s položenim stručnim ispitom ili s više od 5 godina radnog staža u struci u punom radnom vremenu.

Ovim pristupom se jasno razdvajaju uslovi za pripravnike i uslovi za ustanove, čime se povećava jasnoća i preciznost zakonskog teksta.

Član 31. Nacrta Zakona – Opšte obaveze licenciranog psihologa i član 32. Posebne obaveze licenciranog psihologa

„(1) Obavljanje poslova u struci od strane licenciranog psihologa zasniva se na obavezama...“ – mijenjaju se;

Obrazloženje: Iako su načela poput humanizma, najboljeg interesa korisnika, povjerenja, informisanosti, uključenosti u donošenje odluka, privatnosti i povjerljivosti ličnih podataka temeljna za etičko djelovanje psihologa, njihovo detaljno nabranje u članu 31. može biti suvišno. Ova načela su već obuhvaćena općim smjernicama etičkog kodeksa struke. Ponovno navođenje ovih načela u zakonu može dovesti do pravne nesigurnosti i otežati tumačenje zakonskih odredbi. Preporučuje se da ovaj član bude sažetiji i usmjeren na ključne obaveze licenciranih psihologa, dok bi detaljna načela etičkog ponašanja trebala biti obuhvaćena Etičkim kodeksom psihologa. Na taj način bi se izbjeglo ponavljanje i unaprijedila jasnoća zakonskog teksta.

Slijedom navedenog preporučuje se da se član 31. i 32. objedine i glase :

„Licencirani psiholog je dužan obavljati poslove u struci nezavisno, profesionalno i u skladu s najvišim stručnim standardima, kontinuirano održavati i unapređivati kvalitetu usluga, te očuvati i unaprijediti ugled struke“.

Odredbe od člana 43. do člana člana 57. – mijenjaju se;

Obrazloženje: Predložena izmjena člana 42. nacrta Zakona o djelatnosti psihologa temelji se na činjenici da je obavljanje dopunske djelatnosti na nivou Federacije BiH regulisano Zakonom o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21). Član 42. predloženog nacrta zakona propisuje da je obavljanje registrovane dopunske djelatnosti psihologa regulisano propisima o obrtu i srodnim djelatnostima. Stoga, potrebno je izvršiti izmjene u odredbama članova 43. do 57. nacrta zakona kako bi se uskladile s odredbama Zakona o obrtu i srodnim djelatnostima, budući da kantonalna ministarstva nadležna za rad nemaju ovlaštenja za odlučivanje o obavljanju dopunske djelatnosti niti za primjenu citiranog zakona.

Imajući u vidu sve naprijed navedeno, smatramo da Nacrt Zakona o djelatnosti psihologa u Federaciji Bosne i Hercegovine zahtijeva temeljitu nomotehničku reviziju kako bi se osigurala pravna jasnoća, usklađenost s postojećim zakonodavstvom i efikasna primjena u praksi.

Zakon bi trebao pratiti logičan redoslijed koji odražava hronološki slijed postupaka i nadležnosti, počevši od osnovnih odredbi, preko prava i obaveza, do nadležnosti i sankcija. Svi ključni pojmovi trebaju biti precizno definisani u uvodnim odredbama kako bi se izbjegle različite interpretacije. Odredbe zakona trebaju biti usklađene s relevantnim zakonima, poput Zakona o obrtu i srodnim djelatnostima u Federaciji Bosne i Hercegovine, kako bi se izbjeglo preklapanje nadležnosti i osigurala pravna dosljednost. Zakon treba biti usklađen s normativno-pravnim pravilima koja osiguravaju dosljednu upotrebu termina, pravilnu interpunkciju i stil pisanja, čime se povećava razumljivost i primjenjivost zakona.


Implementacijom ovih preporuka, Zakon o djelatnosti psihologa će biti jasniji, efikasniji i lakši za primjenu, čime će se unaprijediti kvaliteta pružanja psiholoških usluga u Bosni i Hercegovini.

Dostavljeno:

1x Naslov

1x a/a



Akt pripremio: Elizabeta Perić, 
Akt pregledao: Edin Arnaut 





Broj: 01-30-12185-1/25
Zenica, 25.06.2025. godine

Na osnovu člana 22. i 40. Poslovnika Skupštine Zeničko-dobojskog kantona-Četvrti prečišćeni tekst („Službene novine Zeničko-dobojskog kantona“, broj: 5/24), Komisija za rad, socijalnu politiku, izbjeglice i zdravstvo Skupštine Zeničko-dobojskog kantona na 26. sjednici, održanoj dana **25.06.2025. godine**, razmatrala je sljedeći:

DNEVNI RED

1. **Nacrt Zakona o profesionalnoj rehabilitaciji i zapošljavanju lica sa invaliditetom,**
- Utvrđivanje mišljenja Skupštine -
2. **Nacrt Zakona o djelatnosti psihologa u Federaciji Bosne i Hercegovine,**
- Utvrđivanje mišljenja Skupštine -
3. **Prijedlog Odluke o davanju saglasnosti na Odluku o promjeni naziva Javne ustanove Centar za djecu i odrasle osobe s posebnim potrebama Zeničko-dobojskog kantona u Javna ustanova Centar za djecu i odrasle osobe sa teškoćama u razvoju Zeničko-dobojskog kantona,**
4. **Izveštaj o radu Javne ustanove Centar za djecu i odrasle osobe s posebnim potrebama Zeničko-dobojskog kantona za period 01.01.-31.12.2024. godine,**
5. **Informacija o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2024. godini,**

o čemu Skupštini Kantona podnosi sljedeći:

IZVJEŠTAJ

T/1

Po završenom razmatranju Nacrta Zakona o profesionalnoj rehabilitaciji i zapošljavanju lica sa invaliditetom, Komisija je podržala mišljenje Ministarstva za rad, socijalnu politiku i izbjeglice Zeničko-dobojskog kantona dato na Nacrt navedenog akta, koje je Vlada Kantona prihvatila Zaključkom broj: 02-02-10454/25 od 23.05.2025. godine, te je jednoglasno, sa 3 glasa „za“ (od 3 prisutna člana), predložila Skupštini Kantona da mišljenje Ministarstva bude sastavni dio zaključka Skupštine Kantona o navedenom Nacrtu Zakona.

T/2

Po završenom razmatranju Nacrta Zakona o djelatnosti psihologa u Federaciji Bosne i Hercegovine, Komisija je podržala mišljenje Ministarstva za rad, socijalnu politiku i izbjeglice Zeničko-dobojskog kantona dato na Nacrt navedenog akta, koje je Vlada Kantona prihvatila Zaključkom broj: 02-02-11404/25 od 05.06.2025. godine, te je jednoglasno, sa 3 glasa „za“ (od 3 prisutna člana), predložila Skupštini Kantona da mišljenje Ministarstva bude sastavni dio zaključka Skupštine Kantona o navedenom Nacrtu Zakona.

T/3

Po završenom razmatranju Prijedloga Odluke o davanju saglasnosti na Odluku o promjeni naziva Javne ustanove Centar za djecu i odrasle osobe s posebnim potrebama Zeničko-dobojskog kantona u Javna ustanova Centar za djecu i odrasle osobe sa teškoćama u razvoju Zeničko-dobojskog kantona, Komisija je jednoglasno, sa 3 glasova „za“, bez glasova „protiv“ i bez glasova „uzdržan“ (od 3 prisutna člana), podržala navedeni akt i predložila Skupštini Kantona da isti donese.

T/4

Nakon razmatranja Izveštaja o radu Javne ustanove „Centar za djecu i odrasle osobe s posebnim potrebama Zeničko-dobojskog kantona“ za period 01.01.-31.12.2024. godine, Komisija je navedeni akt jednoglasno, sa 4 glasa „za“, bez glasova „protiv“ i bez glasova „uzdržan“, (od 4 prisutna člana), podržala i predložila Skupštini da isti prihvati.

T/5

Po završenom razmatranju Informacije o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2024. godini, Komisija je jednoglasno, sa 4 glasa „za“, bez glasova „protiv“ i bez glasova „uzdržan“ (od 4 prisutna člana), podržala navedeni akt i predložila Skupštini Kantona da navedenu Informaciju prihvati.



PREDSJEDAVAJUĆA

Emira Drnda-Čičeklić, s.r.

Dostavljeno:

1x Poslasticima Skupštine Kantona,

1x Vladi Kantona, *n/r sekretara*,

1x Ministarstvu za rad, socijalnu politiku i izbjeglice, *n/r ministra*,

1x Javnoj ustanovi Centar za djecu i odrasle osobe s posebnim potrebama Ze-do kantona, *n/r direktora*,
ul. Saliha Cakana Mulalića 5, Zenica

1x U predmet **26. sjednice Komisije/04-02**